



Sermon
Kxf. Dr. Numlaajtsheb Yaaj

"Tsis Xav Haislus"

Fourth Sunday after the Epiphany
Our Savior Lutheran Church
2-2-2025

Thov txoj koobhmoov txojkev hlub thiab txojkev haumxeeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

Yelemis 1:6 "Then I said, "Ah, Lord GOD! Behold, I do not know how to speak, for I am only a youth – *Ces Kuv haistias, "As, tus Tswv uas yog Vajtswv, Kuv tseem yog tus hluas xwb, Kuv tsis txawj haislus.*" "Nov yog Vajtswv Txojlus." (Cross reference – Khiavdim 4:10; 6:12, 30, 1 Vajntxwv 3:7, Yelemis 32:17, Exekees 4:14, Xakhaliyas 2:4)

Illustration "Tsis xav haislus" (Show don't speak)




Tsis xav haislus! Tsis xav hais txog Yexus Khetos. Kuv tsis xav qhia txog Yexus Khetos rau kuv cov txheeb cov ze. Peb cov Hmoob Lutheran tsis xav haislus tsis kam qhia txog peb txojkev ntseeg rau lwmtus puasyog? Vim li cas kuv thiaj li hais li no? Nej sim saib, peb pawgntseeg Our Savior Lutheran Church – Hmong Ministry twb nyob tau 45 lub xyoo rau ntawm Our Savior no es peb loj hlob li cas? Peb muaj pestsawg yim los ntseeg Vajtswv tshiab. Muaj pestsawg yim rov khiav mus coj kevcai dabqhua lawm? Nej puas xav haistias peb yuav loj hlob ntxiv losyog tsawg zujzus mus txog hnuv uas peb tsis muaj pawgntseeg Hmoob lawm? Losyog nej ibtxhia yuav haistias "Kavliam txawm muaj tsis muaj los tsis ua li cas?" Koj puas tau xav txog tej no losyog

koj tsuas xav haistias "Kuv tuaj church ua kuv thib xwb, lwmtus kuv tsis tas yuav txhawj txog?" Nyob rau ntawm Sociological study of Lutherans, qhia haistias 90% ntawm cov Lutherans yeej tsis tham txog lawv txojkev ntseeg Yexus Khetos li. Nov yog lawv nug cov Lutheran tswvcuab uas tuaj hawm Vajtswv plaub lub limtiam sib law. Qhov no qhia tau rau peb haistias peb cov ntseeg Lutheran tsis xav haislus qhia txog tus Cawmseej Tswv Yexus Khetos rau lwmtus li. Nej yog pawgntseeg Hmong Lutheran, nej puas nrog txajmuag rau cov xovxwm qhia li no thiab?

- I. Vajtswv txojlus qhia rau peb haistias Yelemis raug xaiv los ua xibhwb rau Vajtswv haineeg. Yog peb ua tibzoo saib tej zaum peb yuav tsis totaub txog Vajtswv cov lus. Cia kuv muab txhais li no rau nej: Lolus "prophet - xibhwb" no nej ntau tus yuav xav haistias nws yog ibtug "saub" losyog "xibhwb" rau pawgntseeg los qhia Vajtswv txojlus. Lub npe xibhwb no yog txhais li cas tiag? (Show what is a pastor?)

What is a Pastor?



Nej yuav xav haistias kuv yog ibtus xibhwb vim kuv tau mus kawm tsev kawm ntawv qhia xibhwb, kawm kev qhuabqhia lawm ces kuv cia li yog ib tus xibhwb no puas yog? Nej ib txhia yuav haistias nej tsis yog xibhwb vim nej tsis tau mus kawm seminary thiab kawm ua xibhwb los muab Vajtswv txojlus. Tiamsis Vajtswv txojlus hais li cas ntawm **Tes Haujlwm 3:25** "And you are heirs of the prophets and of the covenant God made with your fathers – *Nej yog xeebntxwv ntawm cov xibhwb thiab yog cov uas Vajtswv tej lus cogtseg rau nej cov yawgkoob.*" Vajtswv txojlus qhia haistias tus laus, tus hluas, tus txivneej, tus pojniam tsuav yog cov uas ntseeg Vajtswv xwb ces puavleej muaj cai los qhia Vajtswv lus huv tibi. Yog li ntawd, tsis yog tus xibhwb xwb thiaj li yog tus muaj feem qhia Vajtswv txojlus tiamsis yog rau txhua leej txhuatus uas ntseeg Vajtswv. Nov yog rau koj, rau kuv thiab rau txhuatus.

(Show what is a Prophet?)


What is a prophet?

- Intermediary between God and the People
- Several Hebrew words are translated as "prophet"
 - *Nabi* – one who is called
 - *Ro'eh* – seer (1 Sam. 9:9; Amos 7:12)
 - *Yah ha'elohim* – man of God (2 Kings 1:9)
- Male or Female
- Speak on Behalf of God

Lolus "prophet – xibhwb" los ntawm peb lub "qhovncauj" uas yog mus tshajtawm Vajtswv Txojmoozoo. Nov yog tus uas hnov, ua raws li Vajtswv tej kevcai thiab raug hu los siv Vajtswv txojlus los mus hais rau lwmtus kom lwmtus paub txog txojkev cawmdim

ntawm Tswv Yexus Khetos. Peb tsis yog siv peb lub qhovncauj xwb, peb siv peb tej tes, tej taws, thiab tus nplaig los mus pab lwm leej lwmtus los ntawm txojkev hlub. Tiamsis tibneeg ntiajteb xum siv lawv tej tes tej taws los mus ntau thiab ncaw lwmtus, ntub lwmtus, thiab ua phem rau lwmtus. Tibneeg siv lawv tus nplaig koj los mus cem, hais lus nkawgxaiv thiab hais lus tsis zoo rau lwmtus.


II. Vajtswv txojlus hnuvno ntawm nqis 5 haistias "Before I formed you in the womb I knew you, and before you were born I consecrated you; I appointed you a prophet to the nations – *Uantej kuv tsim koj rau hauv plab kuv yeej paub koj, thiab uantej koj yug Kuv twb xaiv koj lawm; Kuv twb tsa koj ua tus cev Vajtswv lus rau txhua haiv tibneeg lawm.*" (Yelemis 1:5) **(Show Jeremiah 1:5)**



Lolus "nations - *txhua haiv tibneeg*," ntau zaug peb hnov lolus "Nations - *txhua haiv tibneeg*" peb xav haistias peb yuavtsum mus rau lwm lub tebchaws, lwm haiv tibneeg uas tsis tau paub txog Yexus Khetos. Losyog peb yuavtsum mus ua "missionary – *tus tshajmoozoo*" txawv tebchaws peb thiaj li yog tus mus tshajtawm Vajtswv Txojmoozoo rau txhua haiv tibneeg tiag. Cov kwvtij, qhovtseeb tiag koj tsis tas yuavtsum tau mus txawv tebchaws koj thiaj li yog tus mus tshaj Txojmoozoo. Koj ua tibzoo saib, ibncig ntawm koj nyob hauv koj lub zej lub zos, yeej muaj all "Nations – *Txhua haiv tibneeg*" txhua qhovchaw los rau koj lawm. Koj tsis tas yuavtsum yog xibhwb, vim koj twb

muaj qhovncauj. Koj lub qhovncauj twb ua rau koj haislus rau txhua haiv tibneeg lawm. Koj muaj feem qhia Vajtswv txojlus ib yam li xibhwb.

Kuv pom tau haistias peb cov ntseeg feem coob haistias "*Kuv tsis yog xibhwb thiab kuv tsis paub qhia lwmtus. Kuv tsis xav haislus rau lwmtus txog Tswv Yexus Khetos. Kuv yog tswvcuab rau pawgntseeg Lutheran tiamsis kuv tsis qhib kuv lub qhovncauj qhia txog Yexus.*" **(Show Jeremiah 1:6)**



Nyob rau Vajluskub Qub muaj ntau tus xibhwb tiamsis lawv tsis kam qhia txog Vajtswv vim lawv tsis xav haislus. Cov ntseeg tamsim no los tsis xav haislus thiab. Yog li ntawd, thaum Vajtswv hu Yelemis los mus tshajtawm Vajtswv Txojmoozoo, Yelemis thiaj li tsis xav haislus. Yelemis haistias, "*...I do not know how to speak, for I am only a youth – ...Kuv tseem yog tus hluas xwb, Kuv tsis txawj haislus.*" (Yelemis 1:6) Qhov tseeb tiag Yelemis hais ces yog nws hais li peb tibeeg tiam tamsimno haistias, "*Kuv tsis tau muaj kev ntseeg txaus. Kuv cov txheeb cov ze yuav luag kuv, tsis mloog kuv hais thiab yuav thuam kuv yog kuv qhia lawv txog Vajtswv.*" Peb cov nyob hauv no los zoo li Yelemis

vim peb ntshai tsum lwmtus thuam peb, luag peb, peb thiaj li tsis xav haislus txog Vajtswv txojkev cawmdim. Ua li cas cov ntseeg tsuas pheej xav li no xwb? Vajtswv twb samhwm tseg kom peb txhuatus yuavtsum mus muab txhua haiv tibneeg los ua nws cov thwjtim (Mathais 28), ua li cas peb tsis siv peb lub qhovncauj los mus haislus uas yog qhia txog Vajtswv Txojmoozoo? **(Show Moses and Gideon)**



Cov kwvtij hlub thiab movtshua, coob tus xibhwb ntawm Vajluskub Qub tsis kam mus qhia Vajtswv Txojmoozoo, (Moses - Mauxes, Gideon-Nkide-oos) lawv yuav siv yib npaum li cas los Vajtswv tseem siv lawv mus ua Vajtswv tes dejnum kom tiav raws li Vajtswv lub homphiaj. Lawv los ua tus haislus sawvcev ntawm Vajtswv rau Vajtswv haiv tibneeg. Peb zoo sisthooj li Yelemis thiab. Vajtswv txib peb, tiamsis peb yig kom peb tsis txhob siv peb lub qhovncauj los mus ua Vajtswv tes

dejnum. Tiamsis, yog peb ua tibzoo saib, Vajtswv yuav ua kom peb muaj peevxwv, siv peb lub qhovncauj los mus hais nws cov lus rau tus ua tsis tau paub txog Vajtswv Txojmoozoo. Vajtswv yeej tseem niajnub siv tibneeg zoo li koj thiab zoo li kuv no los mus ua nws tes dejnum kom cawm tau tibneeg ntawm txojkev txhaum.

III. Muaj ib tus xibhwb Hmoob twb ua tau xibhwb ntev thiab ntau xyoo los lawm, tamsim no, nws khav haistias nws yog tus "Prophet – *Xibhwb*" txawj taw kev lawm. Nws hais kom nws cov thawjcoj thiab pawgntseeg yuavtsum ua li nws hais. **(Show you're fired)**



Tej nyiaj tej txiaj los nws muaj cai siv raws li nws lub siab nyiam vim nws yog xibhwb rau pawgntseeg. Yog tus tswvcuab twg tsis mloog nws hais ces nws ua nruj ua tsiv muab tus tswvcuab ntawd hu ua "disgruntle – ntau ncauj - tsis txaussiab" rau xibhwb. Thaum muaj li no tshwm lawm, xibhwb tseem hais ntiv haistias pawgntseeg yuavtsum mloog cov thawjcoj vim Henplais 13 qhia li ntawd. Tiamsis ua thaum kawg, cov tswvcuab tuajxub tus xibhwb no, coob tus tswvcuab sau npe rho xibhwb. Hauvpaus thiaj li tuaj muab tus xibhwb no rho tawm ntawm pawgntseeg lawm. (Show the power of God)



Peb tsis muaj cai khav haistias peb yog tus xibhwb ub tus xibhwb no. Vajtswv twb hu peb los mus qhia Nws Txojmoozoo lawm. Xibhwb yog Vajtswv xaiv thiab tsa. Keebkwm yeej qhia ib tiam dhau ib tiam los haistias, thaum twg tus uas khav nws tus kheej, thaum kawg nws "always loose – yog tus swb" raws li Vajtswv lub sijhawm teem tseg. Nco ntsoov haistias txhuayam uas tibneeg ua tau tsis yog tibneeg ua tau, tiamsis vim Vajtswv tej koobhmoov thiab nws txojkev hlub pub rau tibneeg, tibneeg thiaj li ua tau. Yog koj xav ua xibhwb, koj cia li sawv haistias koj yog xibhwb lawm, koj yeej ua tsis tau. Tiamsis yog tus xibhwb uas Vajtswv hu thiab tsa tus ntawd tes dejnum yuav huamvam thiab nyob ntev vim nws yog Vajtswv xaiv thiab tsa nws los ua Vajtswv tes dejnum. Txawm Vajtswv hu nws los, nws tsis yog yuav nyob dawb nyob dos. Nws yuavtsum tau kawm, xyaum, thiab mobsiab ua Vajtswv txoj haujlwm, txoj haujlwm ntawd thiaj li yuav nthuav tawg tau paj txi taus txiv vim tej ntawd yog Vajtswv lub hwjchim. (Show work and retire)




Nov zoo sis thoog li koj mus ua haujlwm rau lub chaw them nyiaj rau koj. Yog koj tsis mobsiab kawm thiab rau siab ntso ua tes dejnum ntawd, koj yuav raug rho tawm vim koj txojkev tubnkees losyog ua tsis tau txoj haujlwm ntawd. Tiamsis yog koj mobsiab ua txoj haujlwm ntawd, koj yuav tau nyiaj zoo, nces ib qib zuzus thiab yuav tau ua txoj haujlwm ntawd mus txog hnuv uas koj "retire - so."

Vajtswv hu koj los ua Vajtswv tus menyuam, nws muab ib txoj haujlwm kom koj ua. Yog koj tsis ua thaum kawg koj yuav tsis tau nqi zog. Txoj haujlwm uas Vajtswv samhwm tseg rau koj yog qhia Nws Txojmoozoo txog Yexus Khetos txog Yexus txojkev cawmdim uas yog tau mus ntuj ceebtsheej thiab tau txojkia mus ibtxhis thiab ibtxhis. Koj tsis txhob ua tus nyob ntsiag twbto, tsis xav haislus tiamsis cia li siv koj lub qhovncauj los haislus rau koj tus pojniam, tus txiv, cov menyuam, koj tej txheeb ze, tej kwvtij zejzos thiab rau tus qhua. Yexus ua txhua yam uas yog haislus rau txhua leej txhuatus uas nws ntsib thiab mus rau txhua lub zos qhia txog Vajtswv lub tebchaws. (Show following Jesus – sheep following their Shepherd)



Yog koj xyaum Yexus tus yamntxwv uas yog nrog nws mus thiab kawm ntawm nws, zoo nkaus li pabyaj lawv tus Tswvyaj, koj yuav xav haislus tau rau txhua leej txhuatus vim Vajntsujplig Dawbhuv yuav nrognraim koj kom koj ua tau nws tes dejnum uas yog siv koj lub qhovncauj los mus haislus txog Yexus Khetos txojkev cawmdim. Yog li ntawd tsis txhob txhawj txawm koj tsis xav haislus los koj twb yog Vajtswv tus cev ncauj cev lus thaum Vajtswv hu koj los ua nws tus menyuam lawm. Koj yuav ua tau txhuayam, cia li cia siab rau Vajtswv es sawv kiag mus qhia Txojmoozoo. (Show God's touching mouth)



Vajtswv yuav pab vim Nws txojlus sau haistias "But the LORD said to me, "Do not say, 'I am only a youth'; for to all to whom I send you, you shall go, and whatever I command you, you shall speak. Do not be afraid of them, for I am with you to deliver you, declares the LORD. Then the LORD put out his hand and touched my mouth. And the LORD said to me, "Behold, I have put my words in your mouth – Tiamsis tus Tswv hais rau kuv haistias, "Koj tsis txhob haistias 'Kuv tseem hluas;' rau txhuatus uas kuv txib koj mus, koj yuavtsum mus, thiab txhuayam kus kuv samhwm koj, koj yuavtsum hais. Koj tsis

txhob ntsahi cov tibneeg ntawd, rau qhov kuv yuav nrog nraim koj thiab tsomkwm koj. Kuv yog tus Tswv uas hais li ntawd. Yog li ntawd tus Tswv muab nws txhaistes los kov kuv lub qhovncauj. Thiab tus Tswv hais rau kuv haistias, 'Tiamsis, Kuv twb muab kuv tej lus rau koj lub qhovncauj lawm.'" (Yelemis 1:7-9). Vajtswv yuav siv Nws tej lus los pab koj haislus rau Nws txojkev cawmdim rau lwmtus kom lwmtus tau txojkev cawmdim. Asmees.

Thov kom Vajtswv txojlus pub rau peb sawvdaws totaub thiab tau nyob kajsiab lug rau ntawm Tswv Yexus Khetos lub npe. Peb txhua tus uas yog Vajtswv cov menyuam, peb sawvdaws hais: Asmees.

Children Message

Yes! You Can



Theme: If God tells you to do it, you can do it

Object: Bible or Textbook

Scripture: Jeremiah 1:7-8 "But the LORD said to me, 'Do not say, 'I am too young.' You must go to everyone I send you to and say whatever I command you. Do not be afraid of them, for I am with you and will rescue you," declares the LORD."

Do you ever feel too young or small to do something? Can anyone think of a time when you might have said, "I just can't do it!" (*Let them answer*) We have all said that at one time or another. Maybe you said it when the coach asked you to play a new position for the first time or while trying to do your homework. (*Hold up textbook*). We've all felt defeated, saying, "I just can't do it."

Our Bible lesson today is about a man named Jeremiah. One day, God spoke to Jeremiah, saying, "Before you were even born, I chose you to be My prophet to all the nations." Wow, that's a tall order! Can you imagine being chosen by God to speak His words to all the nations of the world?

Jeremiah answered, "I can't! I'm not a good speaker, and I'm too young." "Don't say 'I can't,' " the LORD answered Jeremiah. "If I tell you to go and speak to someone, then go! And when I tell you what to say, don't leave out a word!" Then the LORD reached out His hand, touched Jeremiah's mouth, and said, "I am giving you the words to say, and I am sending you with authority to speak to the nations for Me."

God called Jeremiah to a monumental task before he was even born. But He wouldn't leave Jeremiah to do it all on his own. God also promised to give Jeremiah all the words he would need to speak. Just like God had some mighty big plans for Jeremiah, He also has some big plans for you. He knows your name. He knew you before you were born and has a plan for your life.

Sometimes, God will come to you, as He did to Jeremiah, and ask you to do something essential for him. He may call you to do something that feels difficult or even impossible. You may feel like you're too young, and you might even want to say, "I just can't do it." But when that happens, remember what God said to Jeremiah, "Don't say, 'I can't!' " If God calls you to do something, He will reach out His hand and touch your life to give you the ability to do it.

Prayer: Dear Jesus, there may be some things we cannot do alone. But we know that if You ask us to do something, You will allow us to do it if we trust in You. Amen.

Sermons 4Kids

<https://sermons4kids.com/sermons/yes-you-can>